



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

A Clemente XI. Ad Benedictum XIII.

Luxemburgi, MDCCXLI.

35. *Ægre ferens &c. Super dubiis propositis in Causa.*

[urn:nbn:de:hbz:466:1-74859](https://nbn-resolving.org/urn:nbn:de:hbz:466:1-74859)

II.

D E C R E T U M.

Plura decidens Dubia quoad Missas, quæ in Altari-
bus privilegiatis celebrantur.

CUM in concessione Indulgentiarum Summus Pontifex soleat præfigere certum numerum Missarum celebrandarum qualibet die in Altari Privilegiato, pro parte nonnullorum Religiosorum porrectus fuit Sanctissimo supplicis libellus pro resolutione infracriptorum dubiorum, quo ad hanc Sacram Congregationem remisso sub die 23. Aprilis proximè præteriti rescriptum fuit; Exhibetur formula Indulgentiarum, & ponatur in folio.

In executionem hujusmodi rescripti exhibetur formula Indulgentiarum, quæ est tenoris sequentis.

CLEMENS PAPA XI.

Ad futuram rei memoriam. Omnium saluti paternam charitate intenti sacra interdum loca Spiritualibus Indulgentiarum muneribus decoramus, ut inde Fidelium Animæ, Domini Nostri Jesu Christi, ejusque Sanctorum suffragia meritorum consequi, & illis adjunctæ ex Purgatorij penis ad æternam salutem per Dei misericordiam perducere valeant. Volentes igitur Ecclesiam Metropolitanam Mediolanensem, in qua nullum aliud Altare Privilegiatum reperitur concessum, & in ea situm Altare S. Caroli hoc speciali dono illustrare, dummodo in dicta Ecclesia quinquaginta Missæ quotidie celebrentur, auctoritate Nobis à Domino tradita, ac de Omnipotentis Dei misericordiâ, ac Beatorum Petri & Pauli Apostolorum ejus auctoritate confisi, ut quandocumque Sacerdos aliquis Secularis, vel cujusvis Ordinis Regularis Missam Defunctorum pro Animâ cujuscumque Christiani, quæ Deo in charitate conjuncta ab hac luce migraverit, ad præfatum Altare, celebrabit, Anima ipsa de thesauro Ecclesiæ per modum suffragij Indulgentiam consequatur; Ita ut ejusdem Domini Nostri Jesu Christi, ac Beatissimæ Virginis Mariæ, Sanctorumque omnium meritis sibi suffragantibus à Purgatorij penis liberetur, concedimus, & indulgemus: In contrarium facientibus non obstantibus quibuscumque, & presentibus ad septennium tantum valituris. Datum &c.

Ad futuram &c. Omnium saluti &c. Volentes igitur Ecclesiam Conventus Fratrum Ordinis Minorum S. Francisci de Observantiâ Reformatorem nuncupatorum Civitatis Tuscanæ, in qua nullum aliud Altare Privilegiatum &c. illustrare, dummodo in dicta Ecclesia quatuordecim Missæ quotidie celebrentur, auctoritate &c. confisi, ut quandocumque Sacerdos aliquis Secularis, vel cujusvis Ordinis Regularis Missam Defunctorum in die Commemorationis Defunctorum, & singulis diebus infra illius octavam, ac secunda, & sexta feriis cujuslibet hebdomadæ pro Anima cujuscumque Christiani &c. ut supra.

His igitur præhabitis EE. VV. non dedignabuntur sapientissimè de more respondere.

Primo: An absentibus Religiosis ex causâ Prædicationis tempore Quadragesimæ, & Adventus, vel quando occasione Festivitatum, vel Funerum, aut similibus à Superioribus ad celebrandum alibi transmittuntur Indulgentiæ concessæ cum certo numero Missarum, qui ob dd. causas adimpleri non potest, prorsus cessent, vel pro eo tempore quo numerus non fuerit adimpletus, sint suspensæ, vel potius remaneant in suo robore.

Secundò: An idem sit statuendum, deficienti præfixo numero Missarum ob infirmitatem

Sacerdotum, tam Regularium, quàm Secularium.

Tertiò: An pariter idem sit statuendum deficienti dicto numero Missarum ob absentiam ab Ecclesiis Secularibus Canonicorum, & Sacerdotum per aliquot dies, & menses.

Die 30. Julij 1706. Sacra Congregatio Eminentissimorum S. R. E. Cardinalium Concilij Tridentini Interpretum ad primam quoad primam partem pro tempore Adventus, & Quadragesimæ censuit remanere suspensas, non autem in reliquis, dummodo raro contingat Ad secundum censuit non remanere suspensas. Ad tertium satis provisum in primo.

B. Card. Panciaticus Præf.

Vincentius Petra Secr.

D E C R E T U M

Super dubiis propositis in Cauſa

Aquæ Jurium Parochialium.

AGRE ferens Joannes Franciscus Stranius modernus Præpositus, & Parochus loci Incisæ quosdam prætenſos abusus fuisse investos à PP. Carmelitis ejusdem Loci in præjudicium suorum jurium Parochialium, ad hanc Sac. Congregationem recursum habuit, à qua de more requisita informatione Episcopi, Vicarius Generalis illius juxta Relationem Parocho usquequaque favorabilem in Summario exhibendam, transmissit; Quo circa infraſcripta Dubia concordata, Patribus hinc inde ſcribentibus, resolvenda EE. VV. proponuntur, una cum alio Dubio, quod est ultimum, nuper concordatum occasione, quod cum PP. obedire detrectaverint Episcopi Edicto prolato, ubi prætenditur, pendente lite in hac Sac. Congregatione, demandanti, ut in funeribus accederent ad Parochialem, ad levandam Crucem, eorum tres fuerunt à Confessionibus audiendis suspensi, super quibus informans Episcopus eadem confirmat, & conqueritur eisdem tres Patres suspensos statim post declarationem cum spretu, licet semel tantum, audivisse Confessiones. Quapropter ex utrinque deducendis humiliter postulant Partes ipsæ declarari.

I. An PP. Carmelitæ in Rogationibus possint ad Processionem accedere sine Cappis Albis.

II. An in solo numero duorum Religiosorum Cruce præcedente?

III. An teneatur Præpositus, qui est etiam Parochus in publicis generalibus Processionibus fieri consuetis, monitos facere dd. Patres, ut ad Processionem accedant, & quomodo?

IV. An iidem PP. possint liberè quæſtuare in diebus Hebdomadæ sibi benevolis, absque restrictione alicujus diei?

V. An possint eandem quæſtionem facere pro Confraternitatibus in eorum Ecclesiâ erectis?

VI. An possint in d. Ecclesiâ pro dd. Confraternitatibus exponere SS. Eucharistiæ Sacramentum occasione Novenæ SS. Natalis, & quadraginta Horarum in diebus sibi benevolis sine licentia Ordinarij?

VII. An easdem expositiones facere possint pro eorumdem Regularium devotione?

VIII. An possint benedicere Sponſos cum licentia Parochi, vel sine?

IX. An iidem Patres audientes Confessiones Infirmorum, teneantur ante, vel post dictam Confessionem illam Parocho notificare?

X. An

III.

X. An possint in propria Ecclesia Mulieres post partum benedicere, & ad Purificationem admittere?

XI. An vocati possint se conferre ad benedicendam Febrem cum Reliquia S. Alberti?

XII. An vocati ad associandum Defunctorum Cadavera prius convenire debeant ad Ecclesiam Parochialem cum eorum Cruce, & deinde se conferre ad Domum Defuncti, & quatenus negative.

XIII. An ad eundem effectum sub qua Cruce, & in quo loco dicti Patres expectare debeant Parochum, & alios exequiis intervenientes?

XIV. An possint dare signum, & celebrare Missam in diebus festivis eodem tempore, antequam detur signum, & celebretur Missa Parochialis?

XV. An praepositus habeat Jus interveniendi in redditionibus rationum faciendis per Confraternitates Laicorum in Ecclesia dd. Patrum erectas?

XVI. An eisdem Patribus Carmeliticis liceat Processiones facere extra propria Claustra, seu districtum, & intra limites Parochiae, invito Parocho? Et quatenus negative.

XVII. An eisdem Patribus liceat extra propria Claustra, seu districtum per loca consuetata facere Processionem Beatae Mariae Virginis de Monte Carmelo occasione suae Festivitatis, petita tamen licentia a Parocho, licet non obtenta?

XVIII. An Patres suspensi sint reintegrandi ad audiendas Confessiones Sacramentales in casu &c.

Diebus 19. Maji, & 9. Junii 1708. Sac. Congregatio Eminentissimorum Sanctae Romanae Ecclesiae Cardinalium Concilii Tridentini Interpretum.

RESPONDIT

- Ad primum: Negative.
- Ad secundum: Negative.
- Ad tertium: Affirmative, sive per Nuncium, sive per Schedulam.
- Ad quartum: Affirmative.
- Ad quintum: Negative.
- Ad sextum: Negative.
- Ad septimum: Negative.
- Ad octavum: Posse, cum licentia tamen Parochi, & amplius non proponi mandavit.
- Ad nonum: Affirmative ad formam Constitutionis Clementis X.
- Ad decimum: Affirmative.
- Ad undecimum: Affirmative.
- Ad duodecimum, &
- Ad decimum-tertium: In casu, de quo agitur, posse convenire etiam in Ecclesia viciniori Domui Defuncti, & in Tumulatione Cadaveris sub unica Cruce Ecclesiae tumulantis.
- Ad decimum-quartum: Affirmative.
- Ad decimum-quintum: Negative.
- Ad decimum-seximum: Negative.
- Ad decimum-septimum: Affirmative.
- Ad decimum-octavum: Affirmative.

B. Card. Panciaticus Praefectus.

V. Petra Secretarius.

DECRETUM.

VI. Super dubio, an Minoribus Observantibus Sancti Francisci liceat in eorum Ecclesiis retinere Capsulas pro elemosynis Missarum.

Quemadmodum probos decet Religiosos, cupientes hujus Ordinis Patres non minus eo-

rum Regulae puritatem custodire, praecipue circa paupertatis Votum tantoperè a Sancto Fundatore injunctum, quam Apostolicis jussis obtemperare, humillimè expetierunt hujus S. C. oraculum super declaratione emergentis casus qui est hujusmodi. Urget ex una parte novissima Constitutio san. mem. Innocentii XII. super Celebratione Missarum, quae incipit *Nuper* cum decreto *irritanti*, & clausula *sublata*, nec non cum derogatione expressa omnium Constitutionum Apostolicarum, & Statutorum Ordinum; tam Mendicantium, quam non Mendicantium, atque Consuetudinum immemorabilium, quae inter alia provida Decreta, demandat, retentionem Capsularum pro Missis celebrandis per haec verba; *Debeant ulterius Regulares praedicti, omnes, & quascunque elemosynas, tum manualium, tum perpetuarum, & temporalium Missarum reponere in Capsa particulari sub duabus Clavibus, quarum una penes Superiorem Localem, altera vero penes alium a Capitulo Conventuali deputandum retineatur, ac de eisdem elemosynis, & celebratione Missarum coram Patribus Discretis, seu Consultariis, vel alio simili modo nuncupatis, singulis mensibus districtam rationem exigere, & respectivè reddere.*

Obstare ex alia parte videntur hujusmodi Capsae retentioni bina Decreta, alterum editum in Generali Congregatione Cismontanae Familiae habitata in Conventu Araceli Anno 1615. *relatum in Tom. 3. Orb. Seraph. pag. 613.* Alterum verò per eadem verba conceptum itidem in Generali Congregatione in eodem Conventu celebrata Anno 1628. coram cl. mem. Card. Gypso à san. mem. Urbano VIII. specialiter delegato, recensitum quoque in *Tom. 4. ejusdem Orb. Seraph. pag. 11.* quod, & pariter eorumdem verborum texturam relatum reperitur post Constitutionem *Injuncti nobis* praelaudati Pontificis 49. in ordine *Bull. Tom. 4. sub dat. 14. Junii 1628.*, & publicatum die 15. ejusdem mensis, & Anni, ibi: *Capsae, vel Trunci ad recipiendas elemosynas pecuniarias, etiam pro Missis oblatas, non solum ab Ecclesia, sed etiam à Sacrificia, & à quacumque parte, quae sit intra Clausuram Conventus, omnino prohibentur sub poena inobedientiae, & excommunicationis majoris; oblatas autem elemosynas pro Missis nullo modo intra Clausuram Conventus, aut intra Ecclesiam, vel Sacrificiam ab aliquo recipi permittantur, sed ad Syndicum Apostolicum offerens remittantur; Quod si id grave illi fuerit, & voluerit Tertiario, vel Servitori Conventus tanquam Syndici substituto illam tradere, ut ad Syndicum ipsam ejus nomine deferatur, id fieri poterit, ea tamen lege, ut intra Clausuram Conventus, aut Ecclesiae, nec Tertiarius, nec Servus illam recipiat, & Guardianus, qui contrarium permiserit, privetur Officio suo. Et ibidem infra. Praeterea nullo modo habeant in eorum Ecclesiis, vel Sacrificiis, aut alibi Cippos, aut Truncos ordinatos ad offerendum, seu donantium pecunias, nec Capsulas pro elemosynis Missarum.*

Insuper obstare videntur typis traditae Constitutiones editae in Capitulo Generali celebrato in eodem Conventu Aracelitano die 29. Maji 1700. Pro Cismontana familia, §. ad propositionem num. 1. pag. 30. ubi haec habentur: *Ad propositionem factam in Discretorio Observantium an supplicari deberet SS. ut dispensare dignetur cum Observantibus in praeepto de retinenda Capsulas in Sacrificia pro recipiendis elemosynis pro Missis, prout insinuari videtur in Decretis, de Celebratione Missarum Definitorium Generale attentae dispositione Regulae nostrae cap. 4. ac Apostolicarum declarationum illius, aliorumque Pontificum Constitutionum praesertim Nicolai III. Exiit, Clem. V. Exius, Pauli III. Exponi Nobis, die 30. Maji 1536., Innocentii XI. Solicitudine Pastoralis; Innocentii XII. Alias à felici,*